

TARIKH	27 / 4 / 15	MUKASURAT	30
HARI	ISNIN	RUANGAN	SETEMAS



MAHDZIR (kiri) bertanya khabar peserta OKU.

Kaji lagi tarif elektrik

Kuala Nerang: Perbincangan mengenai tarif elektrik bagi tempoh enam bulan berikutnya dijalankan bermula bulan depan antara Kementerian Tenaga, Teknologi Hijau dan Air dan Tenaga Nasional Berhad (TNB) bagi menentukan beberapa faktor penentu turun naik kadar tarifnya.

Timbalan menterinya Datuk Seri Mahdzir Khalid berkata, perbincangan mengenai tarif elektrik ini diadakan setiap enam bulan dan ia mengambil kira segala faktor menentukan turun naik kadar tarif elektrik.

"Pada Mac lalu, kerajaan memutuskan menurunkan

tarif elektrik dengan kadar Pelepasan Kos Tidak Seimbang (ICPT) 2.25 sen/kWj bagi pengguna di Semenanjung Malaysia dan ia berkuat kuasa sejak 1 Mac hingga 30 Jun depan.

"Sebelum ini kami umum penurunan tarif elektrik, namun ia bagi tempoh sehingga bulan Jun ini dan enam bulan berikutnya berdasarkan perbincangan Mei ini," katanya pada sidang media selepas program pencarian bakat baru orang kurang upaya (OKU) Daerah Padang Terap 2015 di Dewan Sekolah Kebangsaan Kuala Nerang, di sini, semalam.

Pada Februari lalu, selaras

dengan pengumuman penurunan tarif elektrik 2.25 sen/KWj di Semenanjung, Menteri Tenaga, Teknologi Hijau dan Air, Datuk Seri Dr Maximus Ongkili turut mengumumkan purata kadar tarif elektrik di Sabah dan Wilayah Persekutuan Labuan, diturunkan 1.20 sen/kWj berkuat kuasa bagi tempoh Mac hingga Jun depan.

Sementara itu, program pencarian bakat baru OKU memberi peluang 90 peserta OKU di daerah ini memamerkan bakat dalam bidang sukan selain memberi peluang kepada mereka untuk mewakili daerah hingga ke peringkat tertinggi.